

摘藻堂四庫全書薈要

集部

欽定四庫全書薈要

集部

劔南詩慶卷七十一

七十一

詳校官助教臣謝登雋



欽定四庫全書薈要卷一萬五千五百六十

集部

劍南詩彙卷七十

宋 陸游 撰

立春後作

春不遺窮僻天如念寂寥
鳥鳴知節換池溜覺氷消
冷麩供新薺輕裘換故貂
豐年無疾苦鄰曲遞相招

舟中

江天雲斷漏斜暉
靡迤羣山翠作圍
帆影似經吳赤壁

鶻聲如下蜀青衣卧聞裂水長魚出起看凌風健鶻飛
禹會橋邊最清絕憶曾深夜叩漁扉

小園春思

小軒愁入丁香結幽徑春生豈菟梢若論此時吟思苦
縱磨鐵硯也成凹

又

重臺諼草初離土百葉緗梅已滿枝莫道山家殺風景

也能醉倒向東籬

東籬予
小圃名

禹祠

祠宇嵯峨接寶坊，扁舟又繫畫橋傍。
鼓添滿筋尊絲紫，蜜漬堆盤粉餌香。
團扇賣時春漸晚，夾衣換後日初長。
故人零落今何在，空弔顏垣墨數行。

今年開歲三日上元三夕立春，人日皆大晴。

今歲晴和歷歲無，江城歌舞溢衢天。
心只向人心卜，不用慇懃問紫姑。

題野人壁

身如魚鳥出池籠常在陂湖草莽中
簫鼓相聞村社密桑麻無際歲時豐
市墟買酒何人識僧閣煎茶欠客同
久欲瀟湘寄清嘯他年一棹莫匆匆

小市

春風小市畫橋橫橋北橋南次第行
絕景惟詩號勅敵閒愁賴酒作長城
樓臺到處靈和柳簾幙誰家子晉笙
薄算歸來漁火鬧放翁自笑欲忘情

柳

春來無處不春風，偏在湖橋柳色中。
看得淺黃成嫩綠，始知造物有全功。

見事

流光莫恨去聯翩，見事還疑勝昔年。
細改新詩須枕上，少留劇飲待花前。
陰陰竹塢安茶竈，淺淺蘋汀著釣船。
物外家風吾豈敢，散人名號亦充員。

夜雨

江邊依舊釣舟橫，萬事何曾有一成。
空憶廬山風雨夜

自吹小竈煮蔓菁

自詒

一塵東近會稽城
鑿破烟蕪俛俛耕
上藥養神非近效
善言銘座要躬行
論書尚欲心先正
學道寧容氣不平
天付吾儕元自足
滿園春薺又堪烹

初春幽居

滿盞芳醪手自攜
陂湖南北埭東西
茂林處處見松鼠
幽圃時時聞竹雞
零落斷雲斜郭日
霏微過雨未成泥

老民不預人間事但喜農疇漸可犁

又

小築園林淺鑿池身閒隨事得遊嬉幽花折得露猶溼
嘉木移來根不知小蝶弄晴飛不去珍禽喜靜語多時
風光未忍輕拋擲聊付詩囊與酒卮

自勉

學詩當學陶學書當學顏正復不能到趣鄉已可觀養
氣要使完處身要使端勿謂在屋漏人見汝肺肝節義

實大閑忠孝後代看汝雖老將死更勉未死間

春遊

梅市移舟過古城此行亦未闕逢迎負薪野老無妻子
施藥山人隱姓名風雨偏宜宿茅店鹽醃不遣到藜羹
宣和版籍今誰在似是天教樂太平

晝坐

早春風雨暗江干羔酒狐裘不敵寒輸與蒲龕深袖手
一爐真火養金丹

正月十六日送子虞至梅市歸舟示子適

策府還山白盡頭一塵隨分葺菟裘看燈雖幸新春健
無食猶懷卒歲憂稚子與翁俱襁褓大兒出塞習兜鍪
他時別作謀生計賣藥惟當學伯休

聞百舌

春鳥雖僂言春盡能醋舌秋蚓與寒蟄亦各知時節微
物顧能此人乃獨不然君看甘陵黨作孽非由天

畜一雞報曉聲清圓而鳴每晚戲書絕句

雞鳴平旦未為遲恰是山房睡覺時著屐起尋溪上路
野梅猶有未殘枝

書村落間事

東巷南巷新月明南村北村戲鼓聲家家輸賦及時足
耕有讓畔桑無爭一村婚娉皆鄰里婦姑孝慈均母子
兒從城中懷肉歸婦滌釜供刀匕再拜進酒壽老人
慈顏一笑溫如春太平無象今有象窮虜何地生烟塵

行歌

孤村小市負新歌造物其如此老何靈藥已能驅疾豎
醇醪不用戰悲魔

開歲頗思江湖遊適

健筆當年賦遠遊即今局促但堪羞雖為月下孤舟客
未醉天涯七澤秋丹熟竟當金換骨客來從笑雪蒙頭
龍泉本約同歸隱肯為春耕欲換牛

憶昨

入蜀還吳迹已陳蘭亭道上又逢春諸君試取吾詩看

何異前身與後身

又

當年落魄錦江邊物外常多宿世緣
先王廟中逢市隱

丈人觀裏識巢僊

遠道人賣藥成都市
中巢僊謂上官先生

又

萬里曾為汗漫遊豈知白首弄漁舟
會騎一鶴凌風去
何處人間無酒樓

排悶

抱來返東臯初非憚作勞飢寒凜未免老病適相遭開
卷無如嬾飛鱣豈復豪不辭窮到死猶足竊名高

識喜

齒搖徐自定髮脫却重生意適簪花舞身輕捨杖行僧
招決棋戰客讓主詩盟尚欲瀟湘去烟帆不計程

枕上作

謝事還家一老農悠然高卧聽晨舂雖無客共樽中酒
何至僧鳴飯後鐘采若未能浮楚澤思鱸猶欲釣吳松

自餘萬事慵開眼知結宗門案幾重

近村

去去柴車十里中竹林密處路纔通
漸聞水磴知村近遙望禾困喜歲豐
漁艇往來春浪碧人家高下夕陽紅
百錢又向旗亭醉自笑吾生亦未窮

讀史

人間著脚盡危機睡覺方知夢境非
莫怪富春江上客一生不厭釣漁磯

又

榮悴紛紛醉夢中
轉頭何事不成空
全家采藥鹿門去
我憶襄陽龐德公

羸卧

羸卧將如老景何
小園風月且婆娑
茶因春困論交密
酒為家貧作態多
馬上元無聽雞句
原頭那有飯牛歌
自憐遠屏猶多事
賣藥歸來買釣蓑

春感

老厭紛紛嬾入城，長亭小市近清明。
隴頭下漏初芸草，陌上吹簫正賣飴。
多病更知生是贅，九原那恨死無名。
但餘一事猶關念，萬里唐安闕寄聲。

張季長久不通書，或傳其卧病甚，耿

也耿

八十三吟

石帆山下白頭人，八十三回見草春。
自愛安閒忘寂寞，天將強健報清貧。
枯桐已爨寧求識，弊帚當捐却自珍。
桑苧家風君勿笑，他年猶得作茶神。

小園花盛開

厭住愁城徒醉鄉，春風也肯到山房。
鴨頭綠漲池平岸，猩血紅深杏出牆。
淡薄相遭心已嬾，修行無力夢猶狂。
更嗟著句多塵思，慙愧溪藤似截肪。

出遊歸卧得雜詩

江天缺月西南落，村落寒雞一再鳴。
自笑此身羈旅慣，野橋孤店每關情。

又

江村何處小茅茨紅杏青蒲雨過時半幅生綃大年畫
一聯新句少游詩

又

眼明未了觀山債力在猶能涉水行莫笑軒然誇老健
身存終勝得浮名

又

壯歲經春在醉鄉老來數酌不禁當正須獨倚蒲團坐
領略明窗半篆香

又

兒扶行飯出柴扉
偃僂方嗟氣力微
道側偶逢耘麥叟
倚鋤閒話兩忘歸

又

久讀仙經學養形
未容便應少微星
一枝新鍛金雅觜
更向名山斲茯苓

又

薺花如雪滿中庭
乍出芭蕉一寸青
老子掩關常謝客

短蓑鋤菜伴園丁

又

晚交數子多才傑誰肯頻來寂寞鄉但寄好詩三四幅
絕勝共笑億千場

感舊

自蜀還吳會先憑劔換牛掃除狂習氣謝絕醉朋儔去
死時猶遠餘生已覺浮即今真備矣閉戶尚何求

寄龔立道

龔子吳中第一流老農何幸接英遊難逢正似玉杵臼
易散便成風馬牛清夜話端思滾滾算年心事恐悠悠
何由喚得閭門權一醉千巖萬壑秋

寓歎

五福惟無富嗟予得已多禪房時託宿酒市每酣歌詩
瘦慵看鏡棋廬恐爛柯殘年猶有幾切莫負漁蓑

春晚

客夢初回夜漏殘東村想見杏花繁未能便逐啼鴉起

自掩屏風護曉寒

又

湖上春寒雁已歸
宿醒殘夢兩依依
也知晨起元無事
窗白爐紅且攬衣

幽事

跌宕人間歲月遷
賞心幽事故依然
潮通支浦漁舟活
露溼繁花醉帽偏
才盡賦詩愁壓倒
氣衰對弈怯饒先
光陰風月空如昨
悵望蘭亭被禊年

又

塵抱年來盡掃空，柴門幽事與誰同。
水生初漲一溪綠。

花落已浮千點紅，愁賴橐泉存舊法。

予家釀用岐下橐泉麴法

困憑

顧渚策新功，故人岷下無消息。
尺素憑誰寄斷鴻。

謂張季長

讀李杜詩

濯錦滄浪客，青蓮澹蕩人。
才名塞天地，身世老風塵。
士固難推挽，人誰不賤貧。
明窗數編在，長與物華新。

烟波即事

短髮垂肩不裹巾世人誰識此翁真阻風江浦詩成束
賣藥山城醉過春

又

烟波深處卧孤篷宿酒醒時聞斷鴻最是平生會心事
蘆花千頃月明中

又

家浮野艇無常處身是閒人不屬官但有濁醪吾事足
浮名不作一錢看

又

落雁沙邊艇子斜
分清夢上三巴
眼明一點炊烟起
不是漁家即酒家

又

雕胡炊飯芰荷衣
水退浮萍尚半扉
莫為風波羨平地
人間處處是危機

又

夢筆橋邊聽午鐘
無窮烟水似吳松
前年送客曾來此

惟有山僧認得儂

又

浪迹人間數十年

紹興間自剡中入天台始有放浪山水之興

年年散髮醉

江天岳陽樓上留三日聊與瀟湘結後緣

又

烟水蒼茫絕四鄰幽棲無地著纖塵蕭條雞犬楓林下
似是無懷太古民

又

歸老何須乞鏡湖秋來日日飽尊鱸正令霖雨稱賢佐
未及烟波號釣徒

又

父子團樂到死時漁家可樂更何疑高文大策人皆有
且聽烟波十絕詩

茅舍

茅舍晨雞復暝鴉暮年別自是生涯貪眠久已遺人事
對酒猶能惜物華出有兒孫持几杖歸從鄰曲話桑麻

日長亦莫憎春困小竈何妨自煮茶

子適入城三宿而歸獨坐悽然示以此篇

吾兒早自立所懼非飢寒我歸自僊蓬再疏請挂冠明
恩華其行汝亟忝一官得祿寧甚遠懼違菽水歡我年
且九十亦覺去汝難生死要相守豈憚聯征鞍但恐老
益衰千里愁關山官期猶累歲言之已辛酸村醪瀉盎
盆山果亦滿盤春風吹桃李一笑且團圓

暮春新路至湖上示元敏

時雨作未成蒸溽思出門湖塘直東西行人各歸村翻
翻鳥投林杳杳鐘鳴昏羊牛爭迳路烟火出短垣吾兒
望未到誰與共盤飧幽獨多惻愴且復攜斯孫歸來蓬
窗下聊可與晤言

閔雨

臘雪不濡土春風吹早塵東吳貴粳稻布種當及晨千
里方囂囂坐視膏澤屯民孽實自作所賴天公仁何時
見秋穫如山築高困

春和初遷坐堂中

九月天始霜澤中多烈風東廂尋丈地聊以安我躬
薪炭南山來地爐晨暮紅二月春始和如蟲思奮蟄草堂
雖褊小門戶隨事葺闕窗對小山峰嶂爭葉爰筆硯陳
橫几圖書羅矮牀頡頏燕雀聲左右蘭茝芳有時苦頑
痺杖藜寄相羊折花與弄水自適亦何常

春晴暄甚花開略無餘矣賦以寓感

常年看花時輒苦風雨厄今年獨異此遊人滿阡陌
翩

翩出聯騎往往醉墮憤轉盼桃杏空遂見辛夷拆海棠
尤可念不耐暖日炙臙脂成白雪其意亦自惜曾未淹
旬時春事欲掃迹安得愛花心堅頑如鐵石

春晚

南陌東阡自在身黃塵不污接離巾無方可染星星鬢
有酒能留盎盎春下豉已添尊菜美銜泥又見燕巢新
作公何益辛毗事且是人間九十八

春陰溪上小軒作

午醉初醒倚釣軒悠然無與共清言風微僅足吹花片
雨細纔能見水痕杳杳暝鐘浮遠浦離離烟樹識孤村
故人萬里岷山下安得書來慰斷魂

比遣書問張季長
消息於都下未報

散策至湖上民家

曳杖翩然入莽蒼人間有此白雲鄉風傳高樹珍禽語
露溼幽叢藥草香農事正看春水白客途漸愛午陰涼
餘年且就無羈束社鼓鼕鼕樂未央

枕上聞雨聲

小雨廉纖不濡土忽聞簷溜喜無窮
斷知不作西山餓多稼如雲在眼中

聞里中有鬪者作此示之

老翁無所長惟是更事多生世與人處
烏可傷至和秋毫不能忍平地尋干戈
唾面聽自乾彼忿自消磨鄉鄰皆世舊
何至誓弗過勗哉養子壽他年住雞窠

春寒

漁艇水流去柴門風自開
餘寒為醉地多病作慵媒
莎

草鋤還出鷗羣去復來流年殊袞袞殘鬢不禁催

石帆山下

久矣移家住鹿門偶然信脚到桃源尚嫌名挂東林社
那問塵生北海樽才盡極知詩草草睡多常覺氣昏昏
舊聞福地多靈藥安得高人與細論

餘寒

漠漠餘寒透客衣江村倍覺失春期
頽頽燕比常年晚
開落花爭數日遲

自九里平水至雲門陶山歷龍瑞禹祠而歸凡四

日

桐帽絕裘擁半酣肩輿咿軋轉城南牛過野水將新犢
女采柔桑起稚蠶遺老年光垂九十故鄉春事及重三
種花築室知難辦借地猶能結草菴

又

細雨如絲映晚暉店家小憩換征衣春農耕罷負犁去
村社祭餘懷肉歸黃犢自依殘照卧白鷗爭傍小灘飛

道邊雀識凋零盡誰記
遠天老令威

又

老子無心老尚狂
山程隨處寄
俚雲歸岫穴
初收雨水入陂塘
正下秧野客就林煨
燕筍蠶家負籠采
雞黍遠遊萬里知何樂
却喜東歸住故鄉

又

老子山行肯遽回
直穿犖确上崔嵬
未誇脚力如平昔
且喜眉頭得暫開
廟後故梁龍化去
山前遺箭鶴銜來

囊錢已盡君無笑
草草猶能把一杯

又

我來恰值暮春初
晝漏微長小雨餘
苔蝕秦碑亡舊刻
龍歸禹穴護遺書
燕巢已壘泥猶濕
花片雖殘葉尚疎
到處不妨俱可樂
詩人為底愛吾廬

又

輿似雞栖寄兩竿
山程三月尚春寒
麥苗吐穗初成實
梅子生仁已帶酸
買飯猶勝乞墻客
看耕僭學勸農官

還家莫道虛懷袖
荀蕨隨宜亦滿槃

又

點點桃花糝綠苔
入門倚杖意悠哉
數聲茶飯齋初散
一片溪雲雨欲來
老宿龍鍾嗟獨在
高松磊砢憶新栽
世間萬事俱難料
未死重遊更幾回

又

我行隨處叩巖扉
覓得生薪旋燎衣
道士已驂鸞鶴去
山僧初自水雲歸
瓮頭酒壓松肪熟
盤裏蔬供藥汞肥

老覺論心須世外溪陰回首尚依依

龍瑞馮道士二月
中逝去餘慶澤菴

主自天童歸

亦二月也

春早得雨

春早得甘澍村鄰喜欲狂天公終老手處處出新秧

又

稻陂方渴雨蠶箔却憂寒更有難知處朱門惜牡丹

春晚

窗戶迎新燕階除集乳鷓欲知春已暮地上亦無花

又

思與春為別，忽忽置一樽。明年尚強健，扶杖候柴門。

春晚南堂晨起

秋風樹瘦勁，春露葉扶疎。夙興立堂上，短髮未暇梳。高
謝世俗櫻，遊於物之初。青黃災斷木，三四調羣狙。長生
豈有巧，要令方寸虛。今年幸差健，小雨聊荷鋤。

又

春陽染柳條，春風落花片。化工本無心，誰與催漏箭。俯

仰財幾時梁間有雛燕人亦隨物遷蒼然鏡中面要當
心鐵石先登酣百戰我豈兒女哉秋風感團扇

見鵲補巢戲作

卧看銜枝鵲補巢方知此老嬾堪嘲山村四十餘年住
未省曾添一把茅

予素不工書故硯筆墨皆取具而已作詩自嘲

我昔生兵間淮洛靡安宅統髦入小學童丱聚十百先
生依靈肘教以免園冊僅能記姓名筆硯固不擇竈煤

磨斷瓦荻管隨手畫稍長遊名場麤若分菽麥偶窺文
房譜雖慕無由獲筆惟可把握墨取黑非白硯得石即
已殆可供擣帛從渠膏梁子竊視笑啞啞

春晚即事

桑麻夾道蔽行人桃李隨風旋作塵煜煜紅燈迎婦擔
戛戛畫鼓祭蠶神

又

小時抵死願春留老大逢春去即休今歲禹祠纔一到

安能分日作遨遊

分日作遨遊
王摩詰詩也

又

漁村樵市過殘春
八十三年老病身
殘孽遊魂苗渴雨
杜門憂國復憂民

又

龍骨車鳴水入塘
雨來猶可望豐穰
老農愛犢行泥緩
幼婦憂蠶采葉忙

懷昔

高皇布網收鳳麟我得定交猶數人
陳山清真王逸少
李石風流賀季真

書感

一是端能服萬人施行自足掃邊塵
南州不可無高士
東國何妨有逐臣

夜中獨步庭下

山月明如晝江風冷借秋衰遲亦可歎
幽獨自成愁斗
柄垂江渚茄聲下戍樓我惟詩思在
從此亦宜休

劍南詩集卷七十

欽定四庫全書薈要卷一萬五千五百六十一

集部

劍南詩藁卷七十一

宋 陸游 撰

憶昔

憶昔紹興中束帶陪衆彥沐浴雨露私草木盡葱蒨一朝窮達異相遇忘慶唁遠官楚蜀間寂寞返鄉縣于時同舍郎貴者至鼎鉉數竒益自屏短褐失貧賤俯仰五十載未媿金百鍊忍飢菰蘆間生理僅如綫窮交誰耐

久晨暮一破硯歎歌楓林下萬事付露電惟有孤舟興
所至多勝踐衡茅無定止何處非郵傳炊烟起沙際跳
魚裂波面嘔啞緯車鳴隱翳漁火見簫鼓樂水神鐘梵
鬧竹院我詩雖日衰得句尚悲健巍巍闕里門未嘗棄
狂狷放浪終餘年造物不汝譴

雜詠

仕困風波歸可樂生如疣贅死何悲極知此手終無巧
那得隨人儘作癡

又

鏡中顏狀年年改海內交朋日日疎
一慟寢門生意盡

從今無復季長書

近聞張季長物故

又

女郎花樹新移種官長梅園亦探租
作盡人間兒戲事

誰知空橐一錢無

鄉人謂楊梅止曰梅官長其高品也

又

一日日窮窮不醒一年年老老如期
黃河却有逢清日

白髮應無返黑時

又

世間萬事本悠悠自古詩人易白頭
莫羨老夫垂九十
一年添得一年愁

又

夸士騎牛著鐵冠往來城市擁途觀
爭如老子無奇怪
惟是蓑衣伴釣竿

又

家圃菜肥忘肉食村場酒美勝官壺終年醉飽無憂責
莫怪愚公老不枯

又

官途所至尚偷閒何況湖邊晝掩關未愛好風吹醉袖
且貪微雨養盆山

又

斜風吹雨晚空濛獨立溪邊兩鬢蓬便過此生何所恨
百年強半水雲中

又

病起清臞不自持
紗巾一幅倚筇枝
水沈香冷紅蕉晚
恰似道山羣玉時

曉思

暮年多感愴
孤夢久不成
殘燈暗無焰
宿雨滴有聲
食少夜常飢
展轉空腸鳴
老雞雖三號
山窗終未明
默誦舊記書
更覺負平生
披衣搔短髮
壯志浩縱橫

幽居

策府還家又五年，心常無事氣常全。平生本不營三窟，
此日何須直一錢。雨霽桑麻皆沃若，地偏雞犬亦翛然。
閉門便造桃源境，不必秦人始是仙。

又

橫草無功負主恩，一生強半卧衡門。蠹書身世元無憾，
伏櫪光陰不更論。春雨負薪蘭渚市，秋風采藥石帆村。
更思旋糴場中麥，暖熱塵埃老瓦盆。

幽居即事

采藥鹿門山釣魚富春渚君看此氣象何止輩伊呂直
令終不偶後人會知汝亦不妨著書世世祕囊褚

又

野寺促晨裝古驛休破索雖云行役苦客子心獨樂家
山幸歸來未免歎拘縛安得萬里天翩然下孤鶴

又

暮年乞殘骸窮巷事幽屏晨興食一簞有味敵五鼎終
日無再炊奈此夏晝永枯腸不禁攪戒婢罷煮茗

又

小磴落雪花修綆汲牛乳幽人作茶供爽氣生眉宇年
來不把酒杯榼委塵土卧石聽松風蕭然老桑苧

又

日鑄歲幾何苞苴遍權門野人求其類金塿實弟昂超
然高世韻何獨驅睡昏安得如吾宗坐致顧渚園

又

酒能忘事物不過在醉時麴蘖力既盡萬緒如盎絲阿

堵雅見疎歡伯難與期自憐善補短時誦止酒詩

又

薰艾割蜜房荷鋤掘吳木誰烹彌明鼎來薦維摩室厚
味不腊毒上藥能愈疾今夕風月佳良會不可失

又

古人在山林躬自事樵汲我雖迫耄期勤慎亦在習掃
地拂几硯何遽力弗給却笑杜陵翁多卧少行立

又

屏居江海涯
杳杳菰蒲深
俛仰夏令中
澤國王多陰
桑椹熟以紫
水鳥時遺音
偶得一瓢酒
隣里聊相尋

醉歸

夜分飲散酒家壚
歸路迢迢月滿湖
小豎竊言翁未醉
入門猶記露菖蒲

又

烏樞陰中把酒杯
山園處處熟楊梅
醉行蹉跎人爭看
蹋盡斜陽蹋月來

書南堂壁

數間破屋住荒郊，暑雨時須自補茅。
多病篇章無傑思，長閒樵牧有新交。
荒唐但向先師媿，骯髒寧辭薄俗嘲。
偶有會心成獨笑，一林春筍放烟梢。

又

心涵元知面合團，愚公骨相却酸寒。
雲山萬疊猶嫌淺，茆屋三間已覺寬。
菜長何妨供小摘，花開聊得助幽歡。
今朝忽有西村興，著起芒鞋不作難。

五月雨

空濛五月雨景氣一番新
換盡園林葉洗空衢路塵
山郵惱行客野渡滯歸人
獨有龜堂夏涼風吹角巾

蠶麥

村村桑暗少桑姑
戶戶麥豐無麥奴
又是一年春事了
縑絲擣麩笑相呼

早至園中

湖上空濛雨熟梅
清晨岸幘一悠哉
幽花不恨草埋沒

密樹豈知禽去來舊為愛茶分水器近緣炊爨得琴材
小丘僅見山如髻尚媿韓公八尺臺

憶雲門諸寺

三百六十日安可日日愁四百八十寺要須寺寺遊雲
門若耶間到處可淹留金像闕古殿霜鐘發重樓臨澗
見魚躍穿林聞鹿呦亦有疎豁處白鷺下綠疇僧固非
盡佳終勝從公侯夜闌煎蜜湯豈不賢盃甌澤居厭溽
暑慨思風露秋晴雨俱可人亦莫占鳴鳩

贛士曾興宗字光祖以其居貧管谷圖來求詩

高人心虛萬物宗家世常以仕易農買山本愛坡上竹
手種已偃巖前松瀑泉三伏凜冰雪谷聲十里酣笙鏞
了知自是一丘壑不與金精為附庸

地與金精山
青牛峽為隣

以菜茹飲酒自嘲

山澤有臞儒殘年病滿軀拙踈難救藥貧困不枝梧海
客留苔脯山僧餉筍枯

筍枯出
仗錫山

衰顏得村酒猶解蹙時

朱

五月二十一日風雨大作

風雨縱橫夜徹明，須臾更覺勢如傾。
出門已絕近村路，對面不聞高語聲。
銜舳江關多蜀估，宿師淮浦飽吳粳。
老民願忍須臾死，傳檄方聞下百城。

蜀盜已平，淮孺北賊亦遯去。

寄題括蒼陳伯予主簿平楚亭

琵琶洲上暮山奇，五十餘年役夢思。
與子定交雖可樂，念身垂老亦成悲。
遠遊倦似風枝鵲，愁思多於繭盎絲。
安得往尋平楚約，一樽相屬醉題詩。

即事

歸卧已如狐首丘不妨解劔換吳牛掃空身外閒榮辱
閱盡樽前舊輩流學道漫希僧坐夏憂時常媿士防秋
一年歷日開強半歎息人間歲月遒

梅雨初霽

梅雨忽已過松風來颯然吟多錦囊富影瘦角巾偏客
祝加餐飯兒憂少睡眠衰骸累人久撫事感餘年

夏日雜題

東吳五月黃梅雨南浦孤舟白髮翁
貂插朝冠金絡馬多年不入夢魂中

又

午夢初回理舊琴竹爐重炷海南沈
茅簷三日蕭蕭雨又展芭蕉數尺陰

又

新縫細葛作民蟲裯簟展風漪凜欲
秋啼鳥一聲呼夢斷依然書卷在牀頭

又

簷前桐影偏宜夏
葉底蟬聲漸報秋
莫道衰翁怯風露
也能覓醉水邊樓

又

渚蒲經雨送微馨
野鶴凌風有墮翎
歸入衡門天薄暮
清溝淺浸兩三星

又

一葉兩葉病木實
一點兩點疎螢流
水底星河秋脉脉

髮根風露夜颼颼

晚興

地荒蓬藿與人齊局促何曾厭屋低
村市船歸聞犬吠寺樓鐘暝送鴉栖
山童新斫朱藤杖僮婢能醃白苣齏
政欲出門尋酒伴霏霏小雨又成泥

急雨

蝸廬四壁僅容身赫赫炎曦不貸人
正喜風清三伏暑已看雨壓九衢塵
寒泉不減中濡味貢茗初嘗正焙新

安得凌空雙健羽，徑隨猿鶴上嶙峋。

聽雨

老態龍鍾疾未平，更堪俗事敗幽情。
紗幮笛簟差堪樂，且聽蕭蕭暮雨聲。

窮居戲詠

賦分雖云薄，謀生亦自疎。
但令書有種，敢恨食無餘。
身病慵行立，庭荒廢掃除。
寒溫雖泛禮，猶辱問何如。

旬日連得

二三故人書

讀窮居五字慨然有感復作一首自解

布褐營身足茅茨置榻寬食非依漂母菜不仰園官小
蹇鞍羈黑羸僮骨相酸丹青能寫此千載尚傳觀

蒙恩封渭南縣伯因刻渭南伯印

旋著朝衫拜九天榮光夜半屬星躔渭南且作詩人伴

敢望移封向酒泉

唐詩人趙嘏為渭南尉時謂之趙渭南

題門壁

四十年來住此村勝衣拜起有曾孫市壚分熟食賒酒

鄰舍情親每饋飧居似窮邊荒馬驛身如深谷老桑門
幸知歲惡緣陂廢安得農官與細論

負郭及近縣
頗有患水處

雨霽

雨霽禽魚樂風生草木香老鷲時易失閒覺日偏長
閣龜何怒翩翩蝶許忙閉門真得計切勿變軒昂

西村晚歸

小塢花垂盡平隄草次迷日長鶯語久風定絮飛低
子響聞碁院舟橫傍釣溪歸途不知處依約埭東西

連日雲興氣濁雨意欲成西南風輒大作比夜月

明如晝

鳩自呼鳴蚓自歌

二者鄉人以為雨候

何時甘澍一滂沱封姨漫

如陽臺夢却付長空與素娥

考古

考古無長晝憂時少熟眠偷生迫鍾漏戰死媿兜韃莫
報乾坤施空驚歲月遷藜羹安用糝吾事本蕭然

殘春無幾述意

試筆書盈紙烹茶睡解圍
新蔬供冷麵熟練製單衣
雛燕飛初穩殘花見漸稀
年衰學不進默默訟吾非

又

衰疾來無已流年過若馳
家貧食易美身老夢常悲
草長增蛙怒花空失蝶期
不堪多難日更賦送春詩

南堂晨坐

鏡湖清絕似瀟湘
晨起焚香坐草堂
日暖遊絲垂百尺
花殘新蜜釀千房
綠桑糝箔開蠶食
白水翻車浸稻秧

莫道村翁殺風景也能沽酒會年光

記悔

我悔不學農力耕泥水中二月始穡事十月畢農功我
悔不學醫早讀黃帝書名方手自緝上藥如山儲不然
去從戎白首捍塞壩最下作巫祝為國祈豐年猶勝業
文辭志在斗升祿一朝陪衆雋所望亦已足豈知賦命
薄平地成怨仇生為馬伏櫪死為狐首丘已矣何所悲
但悔始謀錯賦詩置座傍聊以志吾忤

東園晚興

宿葉自脫新葉生東園忽已清陰成老夫東行復西行
烏藤瘦勁青鞵輕竹雞羣號似知雨鷓鴣相喚還疑晴
萋萋幽草上牆綠瀼瀼細水循堦鳴蕭然濯手坐盤石
心地平安體舒適青山缺處紅日沈杳杳長空送歸翮

晨起行園中

晨日未出林庭戶有爽氣僮奴課薪水老子自擁篲稻
陂方閔雨草木亦顛顛羣蛙汝何心尚復作鼓吹

雷雨

雲昏失南山雷過撼北戶天其哀此民界以三日雨未
言高下足十已得四五雨勢殊未已喜色徧農圃稽手
謁龍公願言終有秋民飢不敢辭懼貽明主憂

戲書燕几

平生萬事付天公白首山林不厭窮一枕鳥聲殘夢裏
半窗花影獨吟中柴荆日晚猶深閉烟火年來只僅通
水品茶經常在手前身疑是竟陵翁

又

飽知此手合鋤犁
剝喜東歸老故栖
僧乞新詩題院壁
人扶半醉下樓梯
少通朝籍讒銷骨
晚畏京塵悔噬臍
尚有遠遊心未死
夢攜猿鶴渡敷溪

喜雨

一雨洗旱塵
吾廬氣疎豁
土潤竹萌出
水長漁舟活
桑麻鬱千里
夾道光如潑
憑高望歸雲
更覺原野闊
沈憂寬旅食
分喜到僧鉢
但仰皇天慈
不必尤旱魃

閒適

閉門萬事不相關飽受人間一味閒
琴薦潤生諳雨至衣篝香冷歎春殘
早曾寄傲風烟表晚尚鍾情水石間
小市酒旗能喚客試尋隣曲共開顏

早晴

老病常貪睡蕭蕭厭雨聲
翩然兩鳥鵲為我報新晴

翦牡丹感懷

雨聲點滴漏聲殘短褐猶如二月寒
閉戶自憐今伏老

聯鞍誰記舊追歡欲持藤榼沽春碧自傍朱欄翦牡丹
不為挂冠方寂寞宦遊強半是祠官

偶觀舊詩書歎

吾道運無積何至墮畦畛醯雞舞甕天乃復自拘窘外
物豈移人子顧不少忍鶴井與狐妖正可付一哂繁華
夢境鬧零亂空花實可憐愁書生尚學居易稔我昔亦
未免吟哦啄肝腎落筆過白雨聚豪森束筍幸能悟差
早念念常自憫安得從碩儒稽首謝不敏

聞蜀盜已平獻馘廟社喜而有述

北伐西征盡聖謨天聲萬里慰來蘇
橫戈已見吞封豕徒手何難取短狐
學士誰陳平蔡雅將軍方上取燕圖
老生自憫歸耕久無地能捐六尺軀

晚雨

萬里雙芒屨終年一布裘病侵消壯志
醉著失閒愁琴料憑僧問巢居與鶴謀
晚來踈雨過探借北窗秋

雨晴

早暝常思雨沈陰却喜晴放船蓮蕩遠岸幘竹風清淮
浦戎初遁興州盜甫平為邦要持重恐復議消兵

起晚自嘲

辛苦一生何所獲老向東阡與南陌頭眩眼暗牙齒疎
能作人間幾時客爾來偷惰更可笑卧聽場中打新麥
老雞失旦也似儂引頸一呼窗已白

閒中偶詠

斷編殘藁本徒勞橫得虛名亦已叨不識狐書那是博

尚分鶴料敢言高巢山且欲營丹竈跨海何當看雪濤
與世不諧終自許笑人苦勸學舖糟

又

舉世紛紛名利間天公偏賦此身閒塵衣濯罷滄浪水
茅舍歸來會計山鄰舍擎盤分麥飯野人曳杖叩柴關
酒逋詩債何時了未死何妨且旋還

晚步湖塘少休民家

瓜蔓緣籬竹蘆芽刺岸沙橫陂浮雁鷺古道暗桑麻適

遇扶犁叟同休織屨家村童亦可念喚客手吒叉

獨酌罷夜坐

不見麴生久惠然相與娛安能論斗石僅可具盤盃聽
雨蒙僧衲挑燈擁地爐勿生孤寂念道伴有狸奴

雨中出門閒望有作

急雨初來已瀉簷清香欲散更穿簾年開九秩尚不死
坐對一編殊未饜人笑黠癡俱得半自憐貧病每相兼
說梅古謂能蠲渴戲出街頭望酒帘

示二子

豈不懷榮畏友朋，一生凜凜蹈春冰。
任真雖笑拘邊幅，達節寧容出準繩。
自喜殘年如白傅，更憐諸子慕崔丞。
耄期尚有江湖興，頑健人言見未曾。

時子龍調官東陽丞，子坦調彭澤丞。

道室秋夜

江上窮秋日，菴中獨夜時。
丹靈毆豎子，神定出嬰兒。
染熟猶餘夢，柯摧未畢棊。
神仙元可學，往矣不須疑。

又

道室生虛白仙經寫硬黃
晨杯擎石髓夜几照松肪
眼力新生犢心源百鍊鋼
何當登日觀萬里看扶桑

醉題

雲棲澗飲未為高起舞行歌亦足豪
試問食時觀本草何如酒後讀離騷
遊山不待飛雙鳥翦水無因得快刀
熟睡市壚君勿笑年來隨事學餽糟

自詠

忽忽殘年及耄期
清晨對鏡不須悲
遠行久立雖差倦

未到人扶見客時

又

食飲從來戒失時
衣裘亦復要隨宜
老人最索調停處
正在初寒與半飢

秋晴

身健心閒百慮輕
秋晴未必減春晴
晨窗暖日烘花氣
午枕微風送鳥聲
韞玉硯凹宜墨色
冷金牋滑助詩情
少年風味嗟猶在
虛道歸休學力耕

門外獨望

離離遠樹傍烟津又見清秋一歲新老眼厭看南北路
流年暗換往來人鑄金遺像誰能記執玉來朝適已陳
況我風中斷蓬耳夕陽空復一傷神

貧歌

壽居福之首貧為士之常造物賦我貧乃以壽見償處
常而受福每恐不得當掬澗以沃渴屑栢以為糧雖云
未免飢何至死道傍猶勝遼東丁化鶴還故鄉

秋晚雜興

汀樹猶青未著霜
壠間稗穗已先黃
放翁皓首歸民籍
爛醉狂歌坐篔簹

又

昔遇高皇起衆材
姓名曾得廁鄒枚
年踰八十猶賒死
却伴隣翁斲芋魁

又

老病侵凌不可當
時時攬鏡自悲傷
西風吹散朝來酒

依舊衰顏似葉黃

又

冷落秋風把酒杯
半酣直欲挽春回
今年菰菜嘗新晚
正與鱸魚一併來

又

置酒何由辨吐嗟
清言深媿淡生涯
聊將橫浦紅絲磴

自作蒙山紫筍茶

鄉老舊謂碾磨茶為作茶

又

洗耳高人恥見堯
看渠應不受弓招
精神徇物那能久
刀礪君看日日銷

又

石帆山下醉清秋
常伴漁翁弄小舟
箬笠照溪吾自喜
貂蟬誰管出兜鍪

又

烟波萬頃鏡湖秋
清嘯雖聞不可求
自是世間知者少

山林何代乏巢由

隱者

又

禹巡吾國三千歲
陳迹銷沈渺茫中
豈獨江山無定主

苔磯知換幾漁翁

禹廟

又

江東誰復識重瞳
遺廟歌斜草棘中
若比咿嚶念如意

烏江戰死尚英雄

項羽廟

又

漠漠漁村烟雨中
參差蒼檜映丹楓
古來畫手知多少

除却范寬無此工

又

渺渺風烟接小江

即錢清江別名

牛頭山色滿蓬窗
門前西走

錢塘路也有閒人似老龐

霜風

霜風近海夜颼颼
敢效庸人念褐裘
關吏雖通西域貢
王師猶護北平秋
黃旗馳奏有三捷
金印酬功多列侯
願補顏行身已老
區區畎畝亦私憂

贈丐士

志士寧聞畢世窮此間從古混蛇龍尚能忍恥墻間祭
安用追慙飯後鐘

贈目眇者

達人所遇有生涯高卧窮閭自一家閱世正嫌巖下電
開樽且看霧中花

劍南詩彙卷七十一

謹案卷七十第十八頁前四行遺老年光垂九十
刊本垂訛重今改

卷七十一第十七頁後八行橫陂浮雁鶩刊本鶩
訛鶩今改

欽定四庫全書

六



總校官庶吉士臣張能照

校對官編修臣裴謙

謄錄監生臣范桐

欽定四庫全書薈要

集部

劔南詩屢卷七十二

三

詳校官助教臣謝登雋



欽定四庫全書薈要卷一萬五千五百六十二

集部

劍南詩彙卷七十二

宋 陸游 撰

閒遊所至少留得長句

畫橈艇子短驢鞦野店山郵每小留瓜蔓水生初抹岸
梅黃雨細欲遮樓遠東邂逅從歸鶴海上逢迎得狎鷗
豈是人間偏好異暮年難復作沈浮

又

垣屋參差桑竹繁
意行漫漫不知村
眼明可數遠山疊
足健直窮流水源
鷺引釣船經荻浦
牛隨牧笛入柴門
試尋高處休行李
清絕應須入夢魂

又

太平人物自諧嬉
及我青鞵布襪時
丁壯趁晴收早粟
比隣結伴絡新絲
圓輦坎坎迎神社
大字翩翩賣酒旗
晤語豈無黃叔度
欲尋幽徑過牛醫

又

已過樵塢到漁村逢著人家即叩門僧釜藜羹加糝美
市壚黍酒帶醅渾顏齡更媿才能薄故里方知輩行尊
身迫九原兒亦老一經猶欲教諸孫

又

高僧宴坐雪蒙頭閒牧從來水牯牛深院陰陰四簷雨
高堂寂寂一簾秋光明本自無餘欠夢幻何曾有去留
我亦翛然五湖客不妨相與試茶甌

晚雨

春旱久閔雨夏潦復望晴米盡薪亦絕漲水與堦平山
信得新粟欣然聽春聲書生易滿足筆硯還施行南風
柱礎乾西照窗戶明雨其遂已乎努力趣秋成

翌日早晴

澤居傍海墾暑雨困積潦四顧路俱絕所至泥浩浩坐
卧敗屋中兀若在孤島得米無束薪端憂令人老今朝
復何朝浮雲散如掃一蟬鳴高槐兩蝶點平草欣然受
涼颼便欲事幽討呼童羈我駒東走天台道

一雨二十日

一雨二十日雨意殊未闌我廬大澤中四顧烟水寬東
家有小舟借我不作難鷓鴣與鷓鴣自是平生歡更作
十日期水淺生小灘相與極幽賞勿待江月殘

入夏多雨雖止復作六月甲寅始大晴

兼旬大雨無晝夜積潦深虞敗吾稼豈惟一飽墮渺茫
直恐下溼侵腰胯南風忽從木末來新月徘徊出雲罅
州家出符縣家喜泄水漸空梁可架放翁亦復扶病起

旋築頽牆補茆舍便合觀身作老禪安心穩坐今年夏

題尊信齋

并序

吾友陳希真求序名其書齋予告之曰韓文公
言讀孟軻書然後知孔子之追尊晚得揚雄書
益尊信孟氏因雄書而孟氏益尊予謂孔子豈
待人而尊孟子亦豈待人而信韓之言則過矣
然尊信孔孟者實學者之本務也請以名君齋
且為詩以終吾意

於虜孔孟何其卓如天日月地海嶽正令舉世皆揚墨
邪正豈復勞商榷雖然此道久橫流執熱其誰不思濯
魯鄒遺書世皆讀要以尊信為善學吾友希真蓋其人
不肯俛首為齷齪羹藜飯豆欲老矣功雖未竟志則慤
我居山陰子在閩闕然不見千里邈澤中久雨道路絕
叩戶忽聞聲剥啄尊信二字子所知妙質豈復須斤斲
伏生九十語已訛失旦自慚猶喔喔

夏日雜詠

閒居自無客況復暑如焚百折赴溪水數峰當戶雲幽
尋窮鹿徑靜釣雜鷗羣舊愛南華語今方踐所聞

又

兀兀從誰語暄暄寄一牀不嗟頭似葆但苦汗如漿歌
枕風生竹鈎簾日轉廊非由靜勝熱本體自清涼

又

蒲葦蕭蕭晚楸梧肅肅陰山童驚大鼯林鳥伴微吟蠻
硯深瀦墨吳牋熟擣碓新詩與醉帖自笑尚童心

又

省事心君靜忘情眼界平
食便飧酪美浴試葛衣輕
鶴整千年駕鷗尋萬里盟
秋風即在眼作意上青城

夏日

颼颼風露髮根涼
月落菱歌盡意長
分得鏡湖纜一曲
喫虧堪笑賀知章

又

新闢虛堂痛掃除
蕭然終日屏僮奴
此間恐是維摩室

除却藜牀一物無

又

平明一浴汗無餘坐覺胸中合太虛春玉作麋天所賜
不妨數筋進山蔬

又

草芝方出我眉老力比金丹似更多秦不及期周過歷

始知養壽在中和

伏中方製草芝丹此方出史載芝學士家

苦熱

炎歊行中天曼膚汗翻水纖絺薄如霧不異鎧被體散
髮垂兩肩萬事棄不理寸陰若度歲日暮何可俟頗聞
交廣間暑又烈於此此如不可耐彼豈皆暍死聊當扶
短策北澗弄清泚豈必拜賜冰恩光動閭里

子頃遊青城數從上官道翁遊暑中忽思其人

往年屢遊丈人祠上官八十如嬰兒自言少年聾不治
芝房松鬣可無飢叩之不畜但解頤德人之容端可師
我聞學道當精思畢世不可須臾離公雖泯默意可知

七羊要是緣多岐
逝從公遊亦未遲
聯杖跨海尋安期

龜堂

障日松棚正策功
幅巾聊得受微風
蟬聲不斷草堂靜
潦水已歸村路通
拄杖閒行穿犖确
孤雲時見起龍從
東陽醇酎無由到
知負今年幾碧筒

郭希呂呂子益兩友歲餽酒今以故

不至

夢中作

試說山翁事諸君
且勿譁百年看似夢
萬里不思家夜

艾猶添酒春殘更覓花却唾勾漏令辛苦學丹砂

又

平羌江上月伴我故山來幽興依然在浮雲正爾開清
秋纔幾日黃葉已成堆未醉江樓酒扁舟可得回

秋近頗有涼意

平旦麪數箸晡時飯一杯枝梧長日過悵望早秋來團
扇尋詩寫緇巾借樣裁惟應水邊坐待得市船回

夜坐中庭涼甚

銀漢迢迢夜氣澄都忘朝暮困蚊蠅月從東涌行空闊
風自南來洗鬱蒸渴解似嘗仙掌露魂清如近玉壺冰
誰知此際超然處不減廬山入定僧

東偏小室去日最遠每為逃暑之地戲作五字

肅肅簷陰轉泠泠筧水鳴高墉日氣遠方簟午風清渴
愛飡漿美慵便葛屨輕新秋忽在眼結束問山程

野寺

僧壁題名半闕訛重來歡息屢摩挲林蟬欲斷暮復急

竹露如傾秋更多半俸漸償賒酒券故衫已換釣魚蓑
西窗一看拈碁罷歸去還憂爛斧柯

南堂雜興

車馬無聲晝漏長野人與世已相忘屏除長物軒楹爽
洗濯塵襟肺腑涼秋近平郊鳴鶴鶴日斜荒徑下牛羊
興來欲喚筇枝去更盡銅爐一炷香

又

新涼一夜入郊墟晨起衣巾爽有餘燕欲委巢雛盡去

燕有三生雛者
及秋雛方去盡

扇猶在手意先疎
題詩又滿牛腰束
采藥常攜鴟背鋤
湖上從今風月好
不妨隨處命籃輿

又

蛩聲每續蟬聲起
桐葉仍兼柳葉凋
嬾惰心情疎筆硯
久長生計屬漁樵
鬢茅旋補東廂屋
伐石新成北港橋
物外高人來往熟
等閒折簡也能招

又

耄齒東歸息故廬
聊持頑健託鄉閭
未忘麈尾清談興

常讀蠅頭細字書，貧甚尚能耕有犢。
步輕那歎出無驢，南堂又見秋風起。
卧看溪雲自捲舒。

又

犇走當年一念差，歸休別覺是生涯。
茆簷喚客家常飯，

竹院隨僧自在茶。

紹興初僧喚客茶各隨意多
少謂之自在茶今遂成俗

禪欠遍

參寧得髓詩緣獨學不名家，如今百事無能解。
只擬清

秋上釣槎

又

十里城南禾黍村，白頭心事與誰論。
情偷已墜先人訓，迂拙仍辜聖主恩。
病退時時親蠹簡，興來往往出柴門。

斜陽倚杖君知否，收點雞豚及未昏。

村老人不能耕者以牧雞豚為事村

然隣皆

又

年過八十更應稀，又向清秋聽擣衣。
一片雨來書幔黑，數聲鐘斷釣船歸。
酒壚好事能焚券，蓬甕無情未解圍。
剗欲出門尋一笑，故人零落歎疇依。

又

北連大澤驚秋早東限連材覺曉遲
數筋藥苗留客話一爐松火約僧棋
人間掃跡雖堪笑物外論心頗自竒
有恨未償猶絕歎青城交舊待多時

新秋往來湖山間

車似雞栖舟似葉百里何曾勞步屨
朝遊樵風弄清泚暮泊石帆登岌業
旅飯雖舂纔脫粟僧羹無菜寧用挾
歸來村落未上燈除却御風無此捷

又

會稽山下樵風溪翠屏倒影青玻璃尤奇峭壁立千仞
行子欲上無階梯商山坐看紫芝老武陵無奈桃花迷
人間得意妄自喜一閔憐汝真醯雞

又

禹祠巍巍閔千代廣殿修廊半傾壞屹然遺寔每摩挲
石長苔侵字猶在去年已媿曳杖來今者更用兒扶拜
聊持一酌薦丹衷衰疾龍鍾神所貸

又

健席高檣梅市路朱橋綠樹蘭亭步兒時釣遊略可記
不料耄年猶此處漁歌相和葦間起菱船遠入烟中去
世間萬事等浮雲耐久誰如兩芒屨

北崦

毒熱憚輕出新涼尋舊盟西郊猶近市北崦漸謀耕松
菊有佳色山林無俗情行行望績火一點隔林明

小室逃暑

千頃菰蒲萬里風漁翁散髮卧孤篷何如此室纔尋丈
常在冰壺雪窖中

秋雨作

燈前劇論與誰同中歲朋儕亦已空行道敢希千載上
會心聊付一編中雨侵壞甃新苔綠秋入橫林數葉紅
莫怪又生湖海興此身元自是孤蓬

目昏有感

兩眸眵昏八十餘爾來觸事覺空疎何由四目如蒼頡

讀盡當年倚相書

幽居

一曲清溪帶淺山，幽居終日卧林間。
丹經在昔曾親授，死籍從今或可刪。
人笑拙疎安淡泊，天教強健享清閒。
秋來漸有佳風月，擬與飛仙日往還。

初秋即事

簾櫳雨過不勝清，秋氣依依似有情。
高棟尚餘雙燕宿，短莎先放百蟲鳴。
挑燈剗欲開書帙，擘蟹時須近酒觥。

却媿隣家常作苦探租黃犢待寒耕

又

老來閱世苦忽忽又見流年入鬢蓬
山徑溼螢黏露草井牀病葉實秋風
隣翁每共藜羹味穉子能終汗簡功
造物於人元不薄未須抵掌歎囊空

山庖

新春櫛椳滑如珠旋壓犁祁軟勝酥
更翦藥苗挑野菜山家不必遠庖厨

題道傍壁

晚境那禁歲月催
幽花又見澗邊開
莫辭賸買旗亭酒
恐有騎驢李白來

又

湖廢財存十二三
拍隄漲水尚如藍
吾廬隱翳初非意
頗欲臨流結草菴

訪野老

農事元知要細評
野人有舊得尋盟
林深未見果蔬地

舍近先聞雞犬聲
春水築塘謀竭作
陽坡卧犢約同耕
老來常歎人情薄
深媿今朝倒屣迎

書適

架竹苦茅屋數椽
推開窗戶即江天
微飢未遽愁長日
小疾何妨度厄年
孤鶴入秋偏警露
斷山欲雨自生烟
囊中妙法君知否
買斷清閒不用錢

憶蜀

憶昔西遊日
岷峨勝事繁
題詩古栢廟
載酒海棠園
世

故紛難料年光浩莫論所欣身尚健短褐醉江村

生涯

生涯數畦菜心事一溪雲樵擔斜陽下漁歌靜夜聞門
無俗駕到厨有遠泉分但了麴蘖事功名烏足云

又

身世茫如夢門庭冷似冰逢迎賣藥叟詞謝乞錢僧羸
疾時時劇衰顏日日增人扶亦可出要是藉烏藤

又

舊業桑麻在頽齡耄耄過虞卿著書晚伏叟授經訛井
上磨樵斫村東買釣蓑傾身營一飽自笑又蹉跎

又

殘年端有幾寂寞寄滄洲鳥宿千林暮蟲鳴四壁秋風
廊動礎杵月墮把鉏耰衣食隨宜具何心復浪求

對食作

潦餘多稼猶中熟種晚嘉蔬亦半收黃耳蕈生殊自喜
白頭韭長復何求比量傍舍慙溫飽誦詠農書做墮偷

偶有一樽難獨啜過門誰肯小遲留

曉思

昏昏斷夢帶餘醒散髮披衣坐待明
城角吹殘河漸隱海氛消盡日初生
老農自得當年樂癡子方爭後世名
莫怪閉門常嬾出即今車蓋為誰傾

戲書

柳下人家枳作籬小姑不畫入時眉
緯車聲出窗扉裏正是新涼夜永時

梅市舟中作

漕渠北向小橋通，漸入蒼茫大澤中。
造物將無知我醉，故吹急雨打船篷。

孤店

與兒孫送五郎為淮西之行
小飲民家是日雲興頗憂雨

孤店門前千萬峰，酒濃不抵別愁濃。
明朝晴雨吾能卜，但聽蘭亭古寺鐘。

過魯墟先太傅舊隱

桑竹蕭條帶夕陽，故居依約古河傍。
頽垣壞甃無尋處，

父老猶言學士莊

步月

鷗鷺論交有舊盟
越山勝處著柴荆
只思小閣焚香卧
偶作長堤蹋月行
湖濶烟鐘來縹緲
林疎漁火見分明
店家已賣新篘酒
一醉今宵似可成

拄杖示子適

拄杖相從四十年
交情耐久獨依然
西窮巫峽岷江路
北抵岐山渭水邊
早已歸休弄泉石
老猶緩步歷風烟

會同鉢袋并禪版付與兒孫世世傳

讀道書

一境有神龍歲不畏枯旱為國常得賢百世不可亂吾
讀黃老書掩卷每三歎正使未長生去死亦差緩如何
不自力白首猶漫漶友朋死略盡日月難把翫豈無獨
往願兒孫苦羈絆安得葛與陶相從明此段

秋日睡起

白露已過天益涼練衣初覆篝爐香天其閔我老且憊

付以美睡聲撼牆離騷古文傍倦枕砥柱巨刻懸高堂
睡餘一讀搔短髮萬壑松風秋興長

書意

屋漏從我牀窗破補其罅衣穿傲狐貉食淡忘膾炙人
生老可哀百事就衰謝我喜在得歸味美如啖蔗雖云
茅茨陋豈不賢傳舍兒能牧雞豚身自種桑柘市壚酒
易賒鄰殿驢可借睡任門生嘲醉無官長罵見書眼先
閉情嬾亦自赦却後五百年林間作佳話

寄題龔立道崑山棲閒堂

我居山陰古大澤出門尚恨風烟迳欲求曠快舒眼力
夢中去作棲閒客棲閒主人計不疎萬卷讀盡家藏書
平時不喜入城府況肯自屈承明廬聽雞束帶誰不爾
明時可仕君獨止不妨借地作園林買山豈是巢由事

園廬皆借地營之

秋雨書感

新春赤米摘青蔬一飽從來不願餘門外久無溫卷客

架中寧有熟官書濁醪未廢時時歡短髮猶須日日梳
自笑少年風味在滿川烟雨正愁予

又

晨起開門雪滿簪東崗一徑得幽尋斷雲殘雨歲華晚
丹實碧花秋意深林下已悲身老病人間猶與俗浮沈
牀頭小甕今朝熟又喚隣翁共淺斟

弄筆

少學文章竟不成暮年腕弱字欹傾抽毫欲下還休去

斐儿空憐似砥平

睡覺作

世言皇帝華胥境千古秦荒孰再遊
但解消搖化蝴蝶
不須富貴慕蚍蜉

又

邯鄲夢事豈關身未熟黃梁迹已陳
輸與烏衣老鈴下
日中睡覺一顰伸

秋思

露濃壓架葡萄熟日嫩登場穉稜香商略人生如意事
及身强健得還鄉

又

三三兩兩戲魚行香餌纔投去若鷺寄與扁舟五湖客
只當遠引過平生

又

一篇舊草天台賦六幅新傳太華圖占盡人間清絕事

紫藤香起竹根爐

藤香近
出廬山

又

村南村北鷓鴣鳴
小雨霏霏又作晴
拂枕歆眠不成夢
却拖藤杖出門行

又

出門東行復西行
處處人家打稻聲
小甕秫醅雖未熟
後園楮蕈已堪烹

又

看雲廬阜屏風疊
采藥嵩山冠子峰
行盡四方心未快

不如一擢醉吳松

又

桑竹成陰不見門牛羊分路各歸村
前山雨過雲無迹別浦潮回岸有痕

又

隣砧落日數聲殘汀樹秋風幾葉丹
冉冉清愁來不斷無方能使酒腸寬

又

老子齋居罷擊鮮木盤竹筯每隨緣隣僧不用分香鉢
蓮花猶堪過半年

又

存神止慮自長年黃老遺書漢尚傳妙語雖傳人不省

却從丹竈覓神仙

漢武帝賜平津侯詔曰君其存精神正念慮輔助醫藥以自持祁侯與楊

王孫書曰願存精神省思慮進近醫藥厚自持其語悉同疑出於黃老遺書至漢尚傳也

秋來苦貧戲作

閉門高卧養吾真說著生涯笑倒人
奴閔囊空辭雇直

婢愁爨冷拾炊薪，羹能有糝猶為泰。地到無錐始是貧，
一飯不妨支一日。讀書常媿聒比隣。

晚晴

雨餘殘日入疎籬，變化相察乃爾奇。千嶂暮雲收盡後，
一年秋暑洗空時。如山酒券不相貸，隔巷衣砧如許悲。
剝欲出門紆滯思，交親零落與誰期。

對月

遠客厭征路，流年逢素秋。不知今夜月，還照幾人愁。

又

草草治杯盤三更月露寒
茆簷雖隱翳終勝客中看

出近村晚歸

松枝代如意練布製單衣
出每沾晨露歸常送夕暉
野花當路發沙鳥背人飛
到舍燈初上茅簷聞踏機

又

苦雨秋將晚羈愁酒易醺
百年終腐骨萬事盡浮雲
巢熟多猿嘯林疎過鹿羣
亦思書觸目老嬾不成文

秋晚

雞聲喔喔頻催曉木葉颼颼已變秋
憂患縱多終強項
飢寒未至且優游
老羸尚欲身當道
乳虎何疑氣食牛

時黑孫方
生半年

但有一愁消未得
大兒白髮戍邊頭

犬雞

小犬一何警
日夜吠籬落
老雞則不然
平旦方喔喔
勤情各其性
於我何厚薄
糠粃一施之
且復慰寂寞

賣藥翁

老翁如我老賣藥以代耕得錢付酒家一毫不自營
浩歌和隣叟苦語誨後生我欲為作傳無人知姓名

書里中事

事近接耳目誕信良易知頗疑有定數一惑不可移
坐視非所安忠告反取疑雖抱愚直意妄發悔曷追

書室雜興

秋水淺出灘秋葉落成陣方喜風露清已歎霜霰近
衰疾雖向平不死亦僅僅燈青地爐冷吾學其少進

又

衣多藏之笥食餘積之困我享既有限富亦豈勝貧布
褐本自溫荀蕨固已珍君看梁伯鸞寄食終其身

又

老眼觀細書紛然黑花墜不如袖手坐嘿誦舊所記但
恨志弗強編簡頗失次後身作書生努力究此事

又

學書五十年其進不及寸未能踐繩墨況敢說豪健雖

然亦有用尚足博麤飯開學教牛經坐市寫驢券

秋感

瘦盡腰圍白盡頭悲蛩聲裏落梧楸短檠且慰經年別
短褐猶懷卒歲憂天地無私嗟獨困風霜有信又殘秋
頑軀安得常強健更倚東吳寺寺樓

秋夜

秋色滿江干江楓已半丹身閒詩簡淡道勝夢輕安偃
蹇憐腰折清癯鄙面團何妨杵衣夜又見歲將殘

又

落葉鳴遙夜
啼螿送暮秋
不知何許笛
故此作時愁
青海三年戍
黃旗萬里侯
何如石帆下
烟雨釣滄洲

劍南詩藁卷七十二